

四庫全書

集部

欽定四庫全書

文苑英華卷三百二十二 宋 李昉等 編

花木二

梅花二十首

芙蓉花九首

蓮荷七首

石榴八首

海棠七首

玫瑰二首

玉蘂二首

薔薇四首

菊花十二首

蜀葵四首

梅花

雪裏覓梅花

梁簡文帝

絕訝梅花晚爭來雪裏窺下枝低可見高處遠難知俱
羞惜晚露相讓道腰羸定須還剪綵學作兩三枝

以下
六篇

並見初
學記

梅花

吳筠

梅性本輕蕩世人相陵賤故作負霜

集作
雪

花欲使綺羅

見但願深相知千摧非所戀

早梅

何遜

兔園標物序驚時最是梅
御霜當路發映雪擬寒開
枝橫却月觀花遶陵風
臺朝灑長門泣夕駐臨
卽杯應知早飄落故遂上春來

和孔中丞雪裏梅花

王筠

水泉猶未動庭樹已先知
翻光同雪舞落素混一作泊冰

池今春競時發猶是昔年枝
唯有長顛顛對鏡不能窺

同蕭左丞詠摘梅花

庾肩吾

窗梅朝始發庭雪晚初消折花牽短樹攀叢入細條垂
冰溜玉手含刺冒春腰遠道終難寄馨香徒自饒

梅花

庾信

常年臘月半已覺梅花開不信今春晚俱來雪裡看樹
動懸冰落枝高出手寒早知覓不見真悔著衣單

在蜀正朝摘梅

張說

見集本

蜀地寒猶煖正朝發早梅偏驚萬里客已復一年來

庭梅

張九齡

芳意何能早，孤榮亦自危。
更憐花帶弱，不受歲寒移。
朔雪那相妒，陰風已屬吹。
馨香雖尚爾，飄蕩復誰知。

和常州崔使君詠後庭梅二首 孫逖

聞唱梅花落，江南春意深。
更傳千里外，來入越人吟。
弱幹紅粧倚，繁香翠羽尋。
庭中自公日，歌舞向芳陰。

二

梅院重門掩，遙遙歌吹邊。
庭深人不見，春至曲能傳。
花落彈碁處，看來薦枕前。
使君停五馬，行樂此中偏。

官舍早梅

張謂

堦下雙梅樹春來畫不成
晚時花未一作易落陰處葉難
生摘子防人到攀枝畏鳥驚
風光先占得桃李莫相輕

早梅

戎昱

一樹寒梅白玉條迴臨村路傍溪橋
不知絕句時選近作應緣

水花先發疑是經春一作冬雪未銷

和薛秀才尋梅花同飲見贈 白居易

勿驚林下發寒梅便試花前飲
冷杯白馬走迎詩客去

紅筵鋪待舞人來
歌聲怨處微微落
酒氣薰時漸漸開

若到歲來

集作寒

無雨雪猶應醉得兩三迴

梅

杜

牧

見集本

輕盈照野水
掩飲下瑤臺
妬雪柳相比
欺春不逐來
偶同佳客見
似為凍醪開
若在秦樓畔
堪為弄玉媒

酬崔八早梅有贈兼見示之什

李商隱

知訪寒梅過野塘
久留金勒為迴腸
謝郎衣袖初翻雪

荀令薰鑪更換香何處拂眉資蝶粉幾時塗額藉蜂黃

維摩一室雖多病要舞

集作亦要

天花作道場

時命在忠祥上人誦下故

崔落句梵王宮地羅舍宅賴許時時聽法來

人日梅花病中作

李羣玉

去年今日湘西寺獨把寒梅愁斷腸今年此日江邊宅
卧見瓊枝低壓墻半落半開臨野岸團情團思醉韶光

玉麟寂寂飛斜月素艷亭亭帶

雜詠作對

夕陽已被兒童苦

攀折更遭風雨

雜詠作雪

損馨香洛陽桃李漸撩亂回首行

宮春景長

江梅

鄭

谷

見集本

江梅且緩飛前輩有歌詞莫惜黃金縷難忘白雪枝吟
看歸不得醉巖立如痴和雨和烟折含情寄所思

梅

前人

江國正寒春信穩嶺頭枝上雪飄飄何言落處堪惆悵
直是開時也寂寥素艷照罇桃莫比孤香粘袖李須饒
離人南去腸應斷片片隨鞭過楚橋

梅花

羅隱

吳王醉處十餘里照野

某作夜

拂衣今正繁經雨不隨山

鳥散倚風疑共路人言愁憐粉艷飄歌席靜愛寒香撲
酒樽欲寄所思無好信為君惆悵又黃昏

人日新安道中見梅花

其年以徐冠停舉

前人

長途酒醒臘天寒嫩蕊香英撲馬鞍不上壽陽公主面
憐君開得却無端

芙蓉

賦得涉江採芙蓉

梁孝元帝

見初學記

江風當夏清桂楫逐流縈初疑京兆劍復似漢冠名荷
香風送遠蓮影向根生葉卷珠難溜花舒紅易輕日暮
覓舟湍歸來度錦城

同前

孔德紹

蓮舟泛錦磧極目眺江干沿流楫渡易逆浪取花難有
霧疑川廣無風見水寬朝來採摘倦詎得久盤桓

同心芙蓉

朱超

青山麗朝景玄峰朗月

類聚作夜

光未及清池上紅渠並出

房日分雙蒂影風合兩花香魚驚畏蓮折龜上礙荷長

雲雨流輕潤草木應嘉祥徒歌江上

類聚作涉江

曲誰見緝

為裳

同前

灼灼荷花瑞亭亭出水中一莖孤引綠雙影共分紅色
奪歌人臉香亂舞衣風名蓮自可念况復兩心同

芙蓉

辛德源

洛神挺凝素文君拂艷紅麗質徒相比鮮姿

樂府作彩難兩

同光臨照波日香隨出崖風涉江良自遠託意在無窮

採芙蓉

唐太宗

見初學記

結伴戲方塘携手上雕航船移分細浪風散

闕小注

動浮

香游鶯無定曲驚鳧有亂行蓮稀釧聲斷水廣棹歌長
棲鳥還窳樹泛流歸建章

秋朝木芙蓉

李嘉祐

水面芙蓉秋已衰，繁條倒是着花時。
平明露滴垂紅臉，似有朝愁集作暮落悲。

闕下芙蓉

包何見類詩

一人理國致昇平，萬物呈祥助聖明。
天上河從闕下過，江南花向殿前生。
慶雲垂蔭開難落，湛露為珠滿不傾。
更對樂懸張竦簾，歌工欲奏採蓮聲。

重臺芙蓉

李德裕

芙蓉含露時，秀色波中溢。
玉女攏集作朱裳，重重暎皓

質晨霞耀丹景

雜詠
作紫

片片明秋日
蘭澤多衆芳
妍姿不

相匹

蓮荷

秋池一株蓮

張執恭

秋至皆虛落
凌波獨吐紅
託根方得所
未肯即從風

重臺蓮

李紳

綠荷舒卷涼風曉
紅萼開縈紫的重
游女漢臯爭笑臉
二妃湘浦並愁容
自含秋露貞姿潔
不曉春妖冶態穠

終恐玉京仙子識却持歸種碧池中

南池嘉蓮

姚合

芙蓉池裏

一作上

葉田田一本雙枝

某作花

照碧泉濃麗

某作

淡共妍香各散東西分艷葉相連自知政術無他異縱是禎祥亦偶然四野人聞皆盡喜爭來入郭看嘉蓮

永樂殷堯藩明府縣池嘉蓮詠

雍陶

青蘋白石匝蓮塘水裡蓮開帶瑞光露濕紅芳雙朵重

風搖綠帶一枝長
同心梳子徒誇艷
合穗嘉禾豈解香
不獨豐祥先有應
更宜花縣對潘郎

荷花

李商隱

都無色可並不奈
此香何瑤席乘涼
設金羈落曉某作晚

過覆集作回袞燈照綺渡
韞水沾羅預想秋前某作前秋別離

居夢權歌

和太常杜少卿東都修竹里有嘉蓮

溫庭筠

春秋罷注真銅龍舊宅嘉蓮照水紅
兩處龜巢清露裏
一時魚躍翠莖東同心表瑞荀池上半面粉粧樂鏡中
應為臨川多麗句故持重艷向西風

蓮藥

鄭谷

移舟水濺差差綠倚檻風斜

集作搖

柄柄香多謝浣沙

集作

溪人莫折雨中留得蓋鴛鴦

石榴

摘安石榴枝贈劉孝威

塗林安石榴也

王筠

中庭有奇樹當戶發華枝素莖表朱實綠葉廁紅蕤既
標太冲賦復見安仁詩宗生仁壽殿族代疑作茂河陽湄

有美清淮比如玉又如龜退書寫蟲篆進對多好辭我

家新置側

新置側
已隣居

可求不難識相望阻盈盈相思滿胸

臆高枝為君採請寄西飛翼

石榴

孔紹安

可惜庭中樹移根逐漢臣只為來時晚開花不及春

翫郡齋海榴

宋之問

澤國韶光早開簾延霽天野禽宵未轉山蜚晝仍眠目
茲海榴發列映巖楹前熠爚禦風靜歲蕤含景鮮清晨
綠堪佩亭午丹欲然昔忝金閨籍嘗見玉池蓮未若宗
族地更逢榮耀全南金雖自貴質一作賞詎一作能遷
撫躬萬里絕豈染一朝妍從祿滯遐郡賞疑作是惜流
年越俗鄙童甫捫心空自憐

同和詠樓前海石榴二首

孫逖

客自新亭郡朝來數物華
傳居妓樓好初落海榴花
露色珠簾映香風粉黛遮
更宜林下雨日晚逐行車

二

海上移珠木樓前詠所思
遙聞下車日正在落花時
舊綠香行蓋新紅洒步碁
碁疑作碁從來寒不易終見久逾滋

題韋潤州後亭海榴

李嘉祐
見碁本

江上年年小雪遲
年光獨報海榴知
寂寂山城風日煖
謝公含笑向南枝

韋中丞西廳海榴

皇甫冉

海流爭讓候榴花
犯雪先開內史家
未容朝朝鈴閣下
從公步履翫年華

題山石榴花

白居易

見集本

一叢千朵壓欄干
剪碎紅綃却作團
風嫋舞腰香不盡
露銷粧臉淚初一作新
乾
薔薇帶刺攀常嬾
茁茁生泥翫
亦難不及此花簷
戶下任人採弄盡
上聲
人看

海棠

左掖海棠詠

王維

閒洒堦邊草，輕隨箔外風。
黃鸝弄不足，銜向集作未央

宮

海棠

前人

海邊佳樹生竒彩，知是仙山取得栽。
瓊蕊籍中聞闥苑，紫芝圖上見蓬萊。
淺深芳萼通宵換，委積紅英報晚開。
寄語春園百花道，莫爭顏色泛金杯。

海棠

薛能

酷烈復離披，立功莫我知。青苔特疑長處，暮柳間開時。

常醉遊人插，連陰彼叟移。晨前清露濕，晏後惡風吹。香

少傳何許，妍多盡半遺。島蘇連水脉，庭綻粒松枝。偶泛

因沉硯，閒飄欲亂基。遶山生玉壘，和郡遍坤維。負賞慙

一作慙休飲牽吟分，失飢明年應不見。留此贈巴兒。

題磁嶺海棠花

溫庭筠

幽態竟誰賞，歲華空與期。島迴香盡處，泉照艷濃時。蜀
彩淡搖拽，吳粧低怨思。王孫又誰恨，惆悵下山遲。

擢第後入蜀經羅村溪路見海棠盛開偶有題

詠

鄭谷

上國休誇紅杏樹深溪自照綠苔磯一枝低帶流鶯睡

數片狂隨

集作和

舞蝶飛堪恨路長移不得可無人與畫

將歸手中已有新春桂多謝烟香更惹

集作衣

海棠

前人

春風用意勻顏色銷得携觴與賦詩艷麗最宜新着雨

嬌嬈全在欲開時莫愁粉

雜詠作淺

黛臨窗嬾染廣丹青點

筆遲朝醉暮吟看不足羨他蝴蝶宿深枝

蜀中賞海棠

前人

濃淡芳春滿蜀鄉半隨風雨斷鶯一作人腸浣花溪上堪

惆悵子美無情為發揚

玫瑰

奉和中書李舍人昆季詠玫瑰花寄徐郎中

盧綸

獨鶴寄烟霜雙鸞思晚芳舊陰依謝宅新艷出丘墻蝶

起搖輕露鶯銜入夕陽雨朝勝濯錦風夜劇聞香斷燒
千重焰孤霞一片光密來驚葉少動處覺枝長布影期
高賞留春為遠芳嘗聞贈瓊玖叨和愧登堂

同前

司空曙

仙吏紫薇郎奇花共翫芳攢星排綠帶照眼發和光暗
妒翻堦葉遙連直署香透枝蜂遶易礙刺鳥銜妨露濕
凝衣粉風吹散藥黃蒙籠珠樹合煥爛錦屏張留客容
看竹思人比愛棠如當

一作

採蘋詠遠思滿瀟湘

玉藥

唐昌觀玉藥

武元衡

見集本

琪樹年年玉藥新
洞宮長閉彩霞春
日暮落英鋪地雪
獻花無復九天人

唐昌觀玉藥花詠

楊巨源

晴空素艷照霞門
香洒天風不到塵
持贈昔聞將白雪
藥珠宮上玉花春

門字可疑別本作照霞新

薔薇

劉侍中宅盤花紫薔薇

章孝標

真宰偏饒麗景家
當春盤出帶根霞
從聞一朶朝衣色
免踏塵埃看雜花

薔薇

朱慶餘

遶架

雜詠作四面

垂條密浮陰
入夏清綠攢
傷手刺紅墮
斷

腸英粉著蜂鬚膩
光凝蝶翅明
雨來

雜詠作中

看亦好
况復

值初晴

朱秀才庭際薔薇

方干

繡難相似畫難成
明媚鮮妍絕比倫
露壓盤條方倒地
風吹艷色欲燒春
斷霞轉影侵西壁
濃麝分香入四鄰
看取後時歸故里
爛花須讓一作庭花應謝錦衣新

臨水薔薇

李羣玉

堪愛

集作恨

復堪傷
無情不久長
浪搖千臉淚

集作笑

風舞

一身香

集作叢芳後押香字

似濯文君錦
如啼一作窺

一作窺

漢女粧所思

雲雨外何處寄馨香

菊花

賦得殘菊花

唐太宗

階蘭凝曙霜岸菊照晨光
露濃晞曉笑風勁淺殘香
細葉彫輕翠圓花飛碎黃
還待初學記作將今歲色復結後年

芳

秋菊

駱賓王

擢秀三秋晚開芳十步中
分黃俱笑日含翠共搖風
碎影涵流動浮香隔岸通
金翹徒可泛玉笋竟誰同

東園翫菊

白居易

少年昨已去芳歲今又闌如何寂寞意復此荒涼園
中獨立久日淡風露寒秋蔬盡蕪沒好樹亦凋殘唯有
數叢菊新開離落間携觴聊自集作就酌為爾一流連憶
我少小日易為興所牽見酒無時節未飲已欣然近從
年長來漸覺取樂難常恐更衰老彊醉集作飲亦無歡顧
謂爾菊花後時何獨鮮誠知不為我借爾暫開顏

和錢員外早冬翫禁中新菊 前人

禁署寒氣遲孟冬菊初

一作花

折新黃間繁綠爛若金照

碧仙郎小隱日

集作月

心似陶彭澤秋憐潭上看日慣籬

邊摘今來此地賞野意潛自適金馬門內花玉山峰下

客寒芳引清句吟賞

集作說

烟景夕賜酒色偏宜握蘭香

不敵淒淒百卉死歲晚冰霜節有此花開時

集作唯有此花開

殷勤助君惜

菊

釋無可

東籬搖落後密艷被寒催夾雨驚新折經霜忽盡開野
香盈客袖禁藥泛天杯不共春蘭並悠揚遠蝶來

菊

李商隱

暗暗澹澹紫融融
冶冶黃陶令
籬邊色羅含
宅裡香
幾時禁重露
實是怯斜其作殘陽
願泛金鸚鵡
昇君白玉堂

野菊

苦竹園南椒塢邊
微香冉冉淚涓涓
已悲節物同寒鴈
忍委芳心與暮蟬
細路獨來當此夕
清罇相伴省他年
紫雲一作微新苑移花處
不取霜栽近御筵

詠夾漈菊

薛能

夾逕盡黃英不通人並行幾曾相對綻元是兩行生叢
比高低等香連左右并畔搖風勢斷中夾日華明間隔
蛩吟隔交橫蝶亂橫頻應泛桑落摘處近前楹

白菊

許棠

所尚雪霜姿非關落帽期香飄風外別影到月中疑發
在林凋後繁類詩作開當露冷時人間稀有此自古乃無詩

十日菊

鄭谷

節去蜂愁蝶不知曉來集作庭還繞折花集作殘枝自緣今

日人心別未必秋香一夜哀

白菊

張蠟

秋天木葉乾猶有白花殘舉世稀栽得豪家却畫看片
苔相映綠諸卉獨宜寒幾度携佳客登高欲折難

菊

羅隱

籬落歲云晏

暮集作

數枝聊自芳雪裁纖葉密金折小苞

香千載白衣酒一生青女霜春叢莫輕薄彼此有行藏

蜀葵

黃蜀葵

薛能

嬌黃新嫩

類詩作藥

欲題詩盡日含毫有所思
記得玉人初

病較

類詩作藥

道家裝束厭禳時

黃蜀葵

崔涯

野欄秋景晚疎散
兩三枝嫩蘂

類詩作碧

淺輕態幽香
閒澹

姿露傾金盞
小風引道冠
歌獨立悄無語
清愁人詎

類詩

作不知

蜀葵

陳標

眼前無奈蜀葵何
淺紫深紅數百窠
能共牡丹爭幾許
得人輕處祇緣多

蜀葵詠

前人

綠衣去地紅倡倡
薰風似舞諸女郎
南隣蕩子婦無賴
錦機春夜成文章

文苑英華卷三百二十二

欽定四庫全書

文苑英華卷三百二十三 宋 李昉等 編

花木三

山花二首

刺桐花五首

看花四首

惜花七首

殘花二首

雜花二十五首

柳花三十二首

山花

山花

錢起

山花照塢復燒溪，樹樹枝枝盡可迷。
野客未來枝畔立，流鶯已向樹邊啼。
從容只是愁風起，眷戀常須向日西。
別有妖妍勝桃李，攀來折去亦成蹊。

向日類詩
作到日

題友人山花

方干

平明方盡坼

集作
笑盡

為得好風吹，不見移來日。
先愁花去

時濃香薰疊葉繁，
朶壓甲

類聚
作歌

枝來

集作
坐

看皆終夕遊

蜂似

集作
自

有期

刺桐

泉州刺桐花詠五首兼呈趙使君

陳陶

海曲春深滿郡霞
越人多種刺桐花
可憐虎竹西樓色
錦帳三千阿母家

二

石氏金園無此艷
南都舊賦乏靈材
只因赤帝宮中樹
丹鳳新銜出世來

三

猗猗小艷夾通衢
晴日薰風笑越姝
只是紅芳移不得
刺桐屏障滿中都

四

不勝攀折悵年華
紅樹南看見海崖
故國春風歸去盡
何人堪寄一枝花

五

赤帝常詩選聞海上遊
三千幢蓋擁炎州
今來樹似離

作嘗

宮色紅翠斜歌

詩選作
歌斜

十二樓

看花

韋員外東齋看花

李端

入花凡幾步此樹獨相留
發艷紅枝合垂烟綠水幽
併開偏覺好未落已看愁
一到芳菲下空貽兩鬢秋

夏日裴員外西齋看花

楊巨源

笑向東

一作南

來客看花枉在前
始知清夏月更勝艷陽

天露濕呈粧
汗風吹畏火
燃蔥籠和葉
盛爛熳壓枝鮮

紅彩當鈴閣清香到玉筵蝶棲驚曙色鶯語滯一作晴

烟得地殊堪賞過時倍覺妍芳菲遲最好唯是謝家憐

共友人看花

羅鄴

愁將百一作萬里身來伴看花人何事獨惆悵故園還又

春

看花

前人

花開只恐看花遲看了愁多詩選作如未看時家在楚鄉身

在蜀一年春色負歸期

惜花

惜花吟

鮑君微

枝上花花下人可憐
顏色俱青春昨日看
花花灼灼今朝看
花花欲落不如畫
此花下歡莫待春
風總吹却鶯歌蝶
舞韶光長紅爐煮
名松花香粧成罷
吟恣遊後獨把芳
枝歸洞房

山中惜花

王建

忽看花漸稀
罪過酒醒遲
尋覓風來處
驚悵夜落時
遊

絲纏故葉宿葉守空枝
開取當軒地年年樹底期

惜花

于鵠

夜來花落盡偏惜兩三枝
早起尋稀處閒眠記落時
葉焦蜂自散葉折蝶還稀
攀看殷勤別明年更有期

荆南陪楚尚書惜落花

前人

老大看花常不足沿江尋得一枝紅
黃昏人散東風起吹落誰家明月中

惜落花

白居易

夜來風雨急無復舊花林枝上三分落園中一寸深日
斜啼鳥思春盡老人心莫怪添盃飲情多酒不禁

惜落花贈崔二十四

前人

漠漠紛紛不柰何狂風急雨兩相和晚來悵望君知否
枝上稀疎地上多

惜花

前人

可憐天

集作
妍

艷正當時剛被狂風一夜吹今日流鶯來

舊處百般言語泥

集作
啼

空枝

殘花

翫殘花

楊發

十月穠芳一歲程
東風初急眼偏明
低枝似泥幽人醉
莫道無情似有情

殘花

前人

已嘆良時晚仍悲別酒催
暖芳隨日薄殘集作輕片逐風

迴黛歛愁歌扇粧紅集作殘泣鏡臺繁陰莫矜街終是共

塵埃

雜花

夏日崔中丞宅見海紅搖落後一花獨開

前人

何事一花殘
閒庭百草闌
綠滋經雨發
紅艷隔林看
竟日餘香在
過時獨秀難
共憐芳意晚
秋露未須團

集作薄

羨葵花歌

劉脊虛

附見本
參集

昨日一花開
今日一花開
今日花正好
昨日花已老
人生不得長

集作恒

少年莫惜床頭沽酒錢
有錢向酒家君不見
羨葵花

雲陽寺詠石竹花

司空曙

一自幽山別相逢此寺中高低俱出

集作有

葉深淺不分

叢野蝶難爭白庭榴暗讓紅誰憐芳最久春露到秋風

同耿緯司空曙二拾遺詠韋負外東齋花樹

盧綸

綠砌紅花樹狂風獨未吹光中如有焰密處似無枝鳥
動香重發人愁影屢移今朝數片落為報負外知

花

一字至
七字

張南史

花花深淺芬葩凝為雪錯為霞鶯和蝶到苑占宮遮已
迷金谷路頻駐玉人車芳草欲陵芳樹東家半落西家
願得春風相伴去一攀一折向天涯

花

戴叔倫

花發炎景中芳春獨能久因風任開落向日無先後若
待秋霜來蘭蓀共何有

宮苑花

集作
宮怨

李益

露濕晴花春殿香月明歌吹在昭陽似將海水添宮漏

共滴長門一夜長

此篇集以宮怨為題語亦相應今英華作宮苑花入此門恐誤

與李文仲秀才同賦泛酒花詩

楊巨源

若道春無賴飛花合逐風巧知人意裡解入酒杯中香濕勝含露光搖似泛空請君迴首看一作醉眼幾片舞芳叢

題花樹

楊巨源

都無看花意偶到樹邊來可憐枝上色一一為愁開

槿

前人

自用金錢買槿栽二年方始一花開憐紅未許家一作佳
人見蝴蝶爭知早到來

同友人尋澗花

白居易

聞有澗底花買得村中酒與君來較遲已逢搖落後臨
觴有遺恨悵望空溪口記取花發時期君重携手我生
日日老春色年年有且作來歲期不知身健否

東坡種花二首

前人

持錢買花樹城東坡上栽但購有花者不限桃李

集作杏

梅百果參雜種千枝次第開天時有早晚地方無高低
紅者霞艷艷白者雪皚皚遊蜂遂不去好鳥亦棲來前
有長流水下有小平臺時拂臺上石一舉風前盃花枝
蔭我頭花藥入集作落我懷獨酌復獨詠不覺日平西巴
俗不愛花竟春無人來唯此醉太守盡日不能廻

二

東坡春向暮樹下今何如漠漠花落盡翳翳葉生初

集作

初舒每日領僮僕荷鋤仍鑿

集作決

渠剗土壅其本引泉溉

其枯小樹低數尺大樹長丈餘封植來幾時高下齊扶
疏養樹既如此養民亦何殊將欲茂枝葉必先救根株
云何救根株勸農均賦租云何茂枝葉省事寬刑書移
此為郡政庶幾民

集作毗

俗蘇

山枇杷花

前人

深山老去惜年華况對東溪野枇杷火樹風來翻絳焰

瓊枝日出曬紅紗
迴看桃李都無色
映得芙蓉不是花
爭奈結根深石底
無因移得到人家

贈僧院花

前人

欲悟色空為佛事
故栽芳樹在僧家
細看便是華嚴偈
方便風開智慧花

長安花

聶夷中

種花滿西

田集作

園花發青樓
道花下一禾
生去之為惡

草

晚春花

項斯

見百家詩選

陰洞日光薄，花開不及時。
當春無半樹，經晚足空枝。
疏與香風會，細將泉影移。
此中人到少，開盡幾人知。

苦練花

溫庭筠

院裏鶯歌歇，牆頭蝶孤天。
香薰羽葆宮，紫暈流蘇帳。
暖迷青瑣氣，氤氳向畫圖。
只應春惜別，留與博山爐。

蓼花

鄭谷

萋萋復悠悠，年年拂漫流。
差池伴黃菊，冷淡過清秋。
晚

帶鳴蛩

一作蟲

急寒藏宿鶩愁故溪歸不得憑仗繫漁舟

水林檎花

前人

一露一朝新簾櫳曉景分艷和蜂蝶動香帶管絃聞笑

擬春無力粧穠

集作淡

酒漸醺直疑風雨

集作起

夜飛去替

行雲

槐花

前人

毯毯金葉撲晴空舉子魂驚落照中今日老郎猶有恨

昔年相虐十秋風

歎花

崔塗

遲遲傍晚陰，昨夜色猶深。
畢竟榮須落，堪悲古與今。
明年何處見，盡日此時心。
蜂蝶無情極，殘香更不尋。

贈花

李羣玉

酒為看花醞，花須趁酒紅。
嗔集作莫令芳樹晚，使我綠樽

空。金谷園無主，仙源路不通。
縱非乘酒興，集作露折長短盡

隨風

對花

秦韜玉

長與韶光暗有期可憐蜂蝶詩選即作却先知誰家促席臨

低樹何處橫釵戴

詩選
作帶

小枝麗日多情宜

詩選
作疑

曲照和

風得路合偏吹向人雖道渾無語幾勸王孫到醉時

庭花

羅隱

昨日芳艷濃開樽幾同醉今朝風雨惡惆悵人生事南
威病不起西子老兼至向晚寂無人相偎墮紅淚

柳

詠雲陽樓簷柳

梁元帝

楊柳非花樹，依樓自覺春。
枝邊通粉色，隙裏映紅巾。
帶日交簾影，因吹掃席塵。
拂簷應有意，偏宜桃李人。

柳

吳均

細柳生堂北，長風發鴈門。
秋霜常振葉，春露詎濡根。
朝作離蟬宇，暮成宿鳥園。
不為君所愛，摧折當何言。

垂柳映斜溪

張正見

千仞青溪險，三陽弱柳垂。
葉細臨湍合，根空帶石危。
風翻夾浦絮，雨濯向流枝。
不分梅花落，還同橫笛吹。

敬和衛尉于卿柳

杜之松

漢將本屯營遼河有戍城大夫曾取姓先生曾得名高
枝拂遠鴈踈影度遙星不辭攀折苦為入管絃聲

春池柳

唐太宗

見初學記

年柳變池臺隋堤曲直迴逐浪絲陰去迎風帶影來踈
黃一鳴哢半翠幾眉開縈雪臨春岸參差間早梅

柳

許景元

春色東來度渭橋青門垂柳百千條垂

疑作長

楊西連建

章路漢家枝苑紛無數
榮花始遍合歡真一作宮遊絲半
宵相思樹春樓初日照南隅
柔條垂綠掃金鋪寶釵新
梳倭墮髻錦帶交垂連理襦
自憐柳塞淹戎幕銀燭長
啼愁夢著芳樹朝催玉管
新春風夜染羅衣薄城頭楊
柳已如絲今年花落去年時
折芳遠寄相思曲為惜榮
華難再持

題河邊枯柳

王冷然

隋家天子憶揚州
厭坐深宮傍海遊
穿地鑿山開御路

鳴笳疊鼓泛春流
流從鞏北河分口
直到淮南種官柳
功成力盡人族亾
運謝年移樹空有
當時彩女侍君王
帳殿旌門對柳行
青葉交垂連幔色
白花飛散染衣香
今日摧殘何用道
數里曾無一株好
驛騎江帆損更多
山精野魅藏應老
涼秋九月露為霜
日夜孤舟入帝鄉
河畔時時聞

一作時
間有

落木客中無箇不
霜裳

柳絮

張氏

吉中
學妻

靄靄芳春朝
雪絮起青條
或值花同舞
不因風自飄
過

樽浮綠醕拂幌綴紅綃那用持愁翫春懷不自聊

庭柳

姚係

裊裊楊枝當軒雜珮垂交陰總共密分條各自宜因
依似永久類詩作夕攬結更傷離愛此陽春色秋風莫遽吹

賦得灞岸柳留辭鄭員外

楊巨源

楊柳含烟灞岸春年年攀折為行人好風儻借低枝便
莫遣青絲掃路塵

楊花落

前人

北斗南回春物老，紅英落盡綠尚早。
韶風澹蕩無所依，偏惜垂楊作春好。
此時可憐楊柳花，榮盛艷曳湍人家。
人家女兒出羅幙，靜掃玉庭待花落。
寶環纖手捧更飛，翠羽輕裾承不着。
歷歷瑤琴舞金陳，菲紅拂黛憐玉人。
東園桃李芳已歇，獨有楊花嬌暮春。

勤政樓西老柳

白居易

半朽臨風樹多情，立馬人開元一株。
柳長慶二年春

雨中題哀柳

前人

濕屈青條折寒飄黃葉多不知秋雨意更遣欲如何

楊柳枝詞

前人

陶令門前四五樹亞夫營裡百千條何似東都正二月
黃金枝映洛陽橋

柳二首

李紳

千條楊

類詩作垂

柳拂金絲日暖牽風葉學眉愁見花狂飛

類詩作飛狂

不定還同輕薄五陵兒

二

陶令門前欲接籬
亞夫營裡拂朱旗
人事推移無舊物
年年春至綠垂絲

同前

杜牧

日落水流西復東
春光不盡柳何窮
巫娥廟裡低含雨

宋玉宅

類詩作門

前斜帶風不嫌

類詩作將

榆莢共爭翠
深感杏

類詩作深與桃

花相映紅
灞上漢南千萬樹
幾人遊宦別離中

同前

溫庭筠

楊柳千條拂面絲
綠烟金穗不勝移

集作吹

香隨靜婉歌

塵起影伴嬌饒舞袖垂羌管一聲何處曲流鶯百轉最
高枝千門九陌花如雪飛過宮牆雨不集作知

同前二首

李商隱

動春何限葉撼曉幾多枝解有相思否應無不舞時絮
飛藏皓蝶帶弱露黃鸝傾國宜通體誰家集作獨賞眉

以下三篇並見集本

二

為有橋邊拂面香何曾自敢占流光後庭玉樹承恩澤

不信年華有斷腸

詭柳

前人

已帶黃金縷仍飛白玉花
長時須拂馬密處少藏鴉
眉細從他歛腰輕莫自斜
璫梁誰道好偏擬映盧家

評柳

薛逢

弱植驚風急自傷暮來翻遣思
悠揚曾飄綺陌隨高下
敢拂朱欄競短長
縈砌乍飛還乍舞
撲池如雪又如霜
莫令歧路頻攀折
漸擬垂陰到畫堂

柳絮

薛陶

二月楊花輕復微春風飄蕩

一作蕩漾

惹人衣他家本是無

情物一向南飛又北飛

新柳

薛能

輕輕須重不須輕衆木難成獨早成
柔性定勝剛性立
一枝還引萬枝生天鍾和氣元無力
時過風光別有情
誰道少逢知己用將軍因此建雄名

詠柳花

前人

浮生失意頻起絮又飄淪發自誰家樹飛來獨院春朝
容榮斷砌晴影過諸鄰亂掩空中蝶還一作繁衝陌上人
隨波應到海霖雨或依塵會向慈恩日輕輕對此身

柳

韓琮

折柳歌中得翠條遠移金殿種青霄上陽宮女吞聲送
不忿先歸學舞腰

同前

韓

喜

類詩
作漑

雪入青雲

類詩作雪
畫青門

弄影微暖風遲日早鶯歸如憑細

葉留春色須把長條繫落暉彭澤有情還鬱鬱隋堤無
主自類詩
作亦依依世間惹恨偏饒此可是行人折贈稀

同前

方干

搖曳惹風吹臨堤軟勝絲態濃誰為類詩
作解識力弱自難

持學舞枝翻袖呈粧葉展眉如何一攀折懷友又題詩

同前

鄭谷

半烟半雨溪集作
江橋畔映杏映桃山路中會得離人無

限意千絲萬絮惹春風

同前二首

顧雲

帶露含烟處處垂
綻黃搖綠嫩參差
長堤未見風飄絮
廣陌初憐日映絲
斜傍畫筵偷舞態
低臨粧閣學愁眉
離亭不放到春暮
折盡拂簷千萬枝


二

閒花野草總爭新
眉皺絲乾獨不勻
乞取東風殘氣力
莫教虛度一年春

同前

羅隱

灞岸晴來送別頻，
相偎相倚不勝春。
自家飛絮猶無定，
爭把長條絆得人。



文苑英華卷三百二十三

欽定四庫全書

集部

文苑英華卷三百二十四至
七

詳校官太僕寺少卿_臣李廷欽

助教_臣常循履勘

總校官進士_臣朱 鈐

校對官中書_臣王鍾泰

謄錄監生_臣薛登瀛

欽定四庫全書

文苑英華卷三百二十四

宋 李昉等 編

花木四

松二十七首

栢二首

桂六首

檜一首

杉一首

桐八首

槐二首

松

北鄉古松樹

隋煬帝

古松唯一樹森竦詎成林
獨留麈尾影猶橫偃蓋陰
雲來聚雲色風度雜風音
孤生小庭裡尚表歲寒心

松樹

李德林

結根生上苑擢秀邇華池
歲寒無改色年長有倒枝
露自金盤灑風從玉樹吹
寄言謝霜雪貞心自不移

松

李嶠

鬱鬱高巖表森森澗垂鶴
棲君子樹風拂大夫枝
百

尺條陰合千年蓋影披歲寒知不及
類詩作終不改勁節幸君知

四松

杜甫

四松初移時大抵三尺彊別來忽三歲離立如人長會
看根不拔莫計枝凋傷幽色幸秀發幸集作會踈柯已昂藏

所挿小籬籬本亦有隄防終然張撥損得愧集作千葉

黃敢為故林主黎庶猶未康避賊今始歸春草滿空堂
覽物嘆哀謝及茲慰悽涼清風為我起洒面若微霜足

為

集作
足以

送老資聊待偃蓋張我生無根蒂配爾

集作
汝

亦

茫茫有情且賦詩事跡可兩

集作
兩可

忘勿矜千載後慘澹

蟠穹蒼

蕭寺偃松

顧况

淒淒百卉病亭亭雙松迥直上古寺深橫拂杖殿冷輕

響入龜目

一作
息

片陰栖鶴頂山中多好樹可憐無比並

觀鄰老栽松

李端

雖過老人宅不解老人心何事殘陽裡栽松欲待陰

待
字

得一作

中書相公任兵部侍郎日後閣植四松逾數年

澣忝此官因獻拙什

鄭澣

丞相當時植幽襟對此開人知舟楫器天假棟樑材錯

落龍鱗出襪

襪一作襪

襪鶴翅廻重陰羅武庫細響靜山臺

得地公堂裡移根澗水隈吳臣夢寐遠秦嶽歲年催轉
覺飛纓謬何因繼組來幾尋珠履跡願比角弓培栢悅
猶依社星高久照台後凋應共操無復問良媒

奉和

劉禹錫

右相壁中臺移松武庫栽紫茸抽組綬青實長玫瑰便
有干霄勢看成構厦材數分天柱半影逐日輪廻舊賞

台階去新知谷口來息陰常仰望翫意

某作境

幾徘徊翠

粒晴懸露蒼鱗雨起苔凝音助瑶瑟飄藥泛金壘月桂

光搖

某作花遙

燭星榆葉對開終須似鷄樹榮茂近昭回

同前

唐扶

幽抱應無語貞松遂自栽寄懷丞相業因擢大夫材日

射蒼鱗動塵迎翠箒迴嫩茸含細粉初葉泛新杯偶聖
為舟去逢時與鶴來寒聲連曉竹靜氣結陰苔赫奕鳴
騶至熒煌洞戶開良辰一臨眺憇樹幾徘徊恨發風期
阻詩從綺思裁還聞舊凋契凡在一作九萬此中培

同前

姚合

四松相對植蒼翠映中臺擢幹陵空去移根斲石開陰
陽氣漸照造化手親栽日月滋佳色烟霄長異材清音
勝在澗寒影徧生苔靜遠霜霑履閒看酒滿杯同榮朱

戶際永日白雲隈
密葉聞風度高枝
見鶴來賞心難可
盡麗什妙難裁
此地無因到
循牆幾百回

同前

右相歷兵署四松
皆手栽斲時驚鶴
去移處帶雲來
根倍雙桐植花分
八桂開生成造化
力長作棟樑材
豈羨蘭依省猶嫌
栢占臺出樓終百
尺入夢已三台
幽韻和宮漏餘香
度酒杯拂冠枝上
雪染履影中苔
高位相承地新詩
寡和才何由比
蘿蔓攀附在條枚

西齋小松二首

元稹

松樹短於我清風亦已多
况乃枝上雪動搖微月波
幽姿得閒地詎感歲蹉跎
但恐屢終構藉君當柰何

二

簇簇枝新黃纖纖攢素指
柔苔漸依條短莎還半委
清風日夜高凌雲意集作竟何已
千歲盤老龍脩鱗自茲始

右小松詩稹集并英華皆誤作一首詳詩意并疊

用清風二字合是二首

庭松

白居易

堂下何所有十松當我階
亂立無行次高下亦不齊
高者三丈長下者十尺低
有如野生物不知何人栽
接以青瓦屋承之白沙臺
朝昏有風月燠集作燥濕集作燥無塵泥踈

韻秋瑟瑟

集作械

涼陰夏淒淒春深微雨夕
滿葉珠蓂蓂

集作淮

歲暮大雪天雁枝玉皚皚
四時各有趣萬木非其

儕去年買此宅多為人所咤
一家三集作二十口移轉就

松來近

集作移來

有何得但得煩襟開
即此是益友豈必

須某作交賢才顧我猶俗士冠帶走塵埃未稱為松主時

時一愧懷

寄題蓋屋廳前雙松

兩松自仙遊山移植廳

前人

憶昨為吏日折腰多苦辛歸家不自適無計慰心神手

栽兩樹松聊以當聲平嘉賓乘春日一溉生意漸欣欣清

韻度秋在綠茸隨日新始憐澗底色不憶城中春有時

畫掩闌雙影對一身盡日不寂寞意中如三人忽奉宣

室詔徵為文苑臣聞來一惆悵恰似別交情一作交親
早知烟翠前攀翫不遂巡悔從白雲裡移爾落罽塵一作情親

題遺愛寺前溪松

前人

偃亞長松樹侵臨小石磯靜將流水對高共遠峰齊翠
蓋煙籠密花幢雪壓低與僧清影坐借鶴穩枝栖筆寫
形難似琴偷韻易迷暑天風槭槭一作瑟瑟晴夜露一作靜
淒淒獨憇依為舍間行遠作蹊棟梁君莫採留着伴幽

棲

小松

章孝標

爪葉鱗條龍不盤
梳風幕翠一庭寒
莫言只是人長短
湏作浮雲向上看

僧院小松

前人

拋杉背栢冷僧簾
鎖月梳風出殿簷
還似天台新雨後
小峯雲外碧尖尖

賦得聽松聲

劉得仁

庭際微風動高松
韻自生聽時無物
亂盡日覺神清強

與幽泉並翻嫌

一作疑

細雨并拂空

一作雲

增鶴唳過隔合

琴聲况復當秋暮偏宜在月明不知深澗底蕭瑟有誰

驚

松

釋無可

枝怪幹鱗皴煙梢出澗新屈盤高極目蒼翠遠驚人待

鶴移陰過

一作陰移

聽風落子

一作子落

頻青青寒木外自與九

霄隣

贈賣松人

于武陵

入市雖求利憐君意獨真
斲將寒澗樹賣與翠樓人
瘦葉幾經雪淡花應少
春長安重桃李徒染六街塵

友人亭松

前人

俛仰不能去如逢舊友同
曾因春雪散見在華山中
何處有明月訪君聽遠風
相將歸未得各占石巖東

廣德官舍二松

喻鳧

楊公休簿領二木日堅牢
直甚彰吾節清終庇爾曹
幽陰月裏細冷樹雪中高
誰見干霄後枝飄白鶴毛

松

韓喜

類詩
作溉

倚空高檻冷無塵往事閒徵夢欲分翠色本宜霜後見

寒聲偏向

類詩
作許

月中聞啼猿想帶蒼山雨歸鶴遙知

類詩

和作應

紫府雲莫向東園競桃李春光還是不容君

和李用夫栽小松

項斯

移來未換葉已勝在空

一作深

山靜對心標直遙吟境助

閒影侵殘雪際聲透小窗間即聳凌空幹修條豈易攀

橫水館雙松

趙嘏

故園溪上雪中別野

野一作

館枕前雲畔逢白髮漸多何

自苦清陰長在好相容

從一作

迎風幾拂朝天蓋帶月猶

含度嶺鐘更憶葛洪丹井側數株臨水欲成龍

松

鄭谷

下視垂楊拂路塵雙峰石上覆苔文濃霜

一作霜濃

滿徑無

紅葉晚日

一作日晚

高枝有白雲春砌花飄僧旋掃寒溪子

落鶴先聞那堪寂寞悲風起千樹深藏李白墳

題淨衆寺古松

崔塗

百尺森疎倚梵臺昔人誰見此初栽故園未有偏堪戀
浮世如閒卽合來天暝豈分蒼翠色歲寒應識棟梁材
清陰可惜不駐得集作可老
住不得歸去暮城空首回

唐興寺小松

杜荀鶴

雖小天然

一作生

別難將衆木同侵僧半窗月向客一

類一

詩作與
客滿

襟風枝拂行苔鶴聲分叫砌蟲如今未堪看須

是

類詩
作待

雪霜中

小松

前人

自小刺頭深草裏而今漸覺出蓬蒿時人不識凌雲木
直待凌雲始道高

鄭穀補闕山松

張蠟

心將積雪欺根與白雲離遠寄僧猶憶高看鶴未知影
交新長葉皴匝舊生枝多少同時種深山不得移

松

許棠

何年斲到城湍國響高名半寺陰常匝隣坊景亦清代
多無巧勢風定有餘聲自得天然狀非同澗底生

興善寺古松

張喬

種種近王城前朝古寺名瘦根侵地遠香吹入雲清鶴
動池臺影僧禪雨雪聲看來人旋老因此嘆浮生

移小松

前人

松子落何年纖枝長水邊斫開新礪雪移出遠林煙帶
月棲幽鳥蕪花灌冷泉微風動清韻閒聽罷琴眠

松

陸肱

雪霜知勁質今古占

類詩
作名

嘉名斷砌盤根遠踈陰偃蓋

清鶴棲何代色僧老四時聲鬱鬱心彌久烟高萬井生

述松

王貞白

遠谷呈材幹何由入棟梁歲寒虛勝竹功績不如桑秋

露落松子春深

一作雪

衰嫩黃雖蒙匠者顧樵採日難防

僧院松

曹松

此木韻彌全秋宵學瑟絃空知百餘尺未定幾多年古

甲磨雲折孤根把

一作促

地堅何當拖一幹作蓋道場前

栢

庭栢

魏 收

見初學記

古松岡偃蓋新栢寫鑑峰凌寒翠不奪迎暄綠更濃如
葉輕沉體咀實化哀容將使中臺麝違山能見從

晉朝栢樹

集作法
雲雙楹

溫庭筠

晉朝名輩此離羣相對濃陰去住分題處尚尋王內史
畫時應是顧將軍長廊夜靜聲疑雨古殿秋深影勝雲
一下南臺到人世晚泉清籟更誰集作
難聞

桂

李 嶠

未植銀宮裡寧移玉殿幽枝生無限月花湍自然秋使
客條為馬仙人葉作舟願君期道術攀折可淹留

詠桂二首

李白

園花笑芳年池草艷春色猶不如槿花姬娟玉堦側芳
芬集作榮何天促零落在瞬息豈若瓊樹枝終歲長翁艷

二

世人種桃李多在金張門攀折爭捷徑及此春風暄一
朝天霜下榮耀難久存安知南山桂綠葉垂芳根青陰

亦可託何惜樹君園

比聞龍門敬善寺有紅桂樹獨秀伊川嘗於江
南諸山訪之莫致陳侍御知予所好因訪剡
溪樵客得數株移植郊園衆芳色沮乃知敬
善所有是蜀道苗草徒得嘉名因賦是詩兼

贈陳侍御

金陵作

李德裕

昔聞紅桂樹獨秀龍門側
越叟移數株周人未嘗識
平生愛此樹攀翫無由得
君子知我心因之為羽翼
豈煩

嘉客譽且就清陰息來自天姥岑長疑翠嵐色芬芳世
所絕偃蹇枝漸直瓊葉潤不凋珠英粲如織猶疑翡翠
宿想待鵙鸞集作食寧止暫淹留終當更封植

山中桂

于武陵

日暖上山路鳥啼知己春忽逢幽陰樹如見獨醒人石
冷開常晚風多落亦頻樵夫應不識歲久伐為薪

雙桂詠

陳陶

青冥結根易傾倒沃州山中雙樹好琉璃宮殿無斧聲

石上蕭蕭伴僧老

檜

揚州法雲寺雙檜

張祜

謝家雙植本南

某作園

榮樹老人亡地變更朱頂鶴知深

蓋偃白眉僧見小枝生高臨月戶

某作殿

秋雲影靜入風

簷

某作廊

夜雨聲縱使

某作從此

百年為上壽綠陰終借暫時

行

某作終是借君行

杉

郡齋移杉

韋應物

擢幹方數尺幽姿已蒼然結根西山寺來植郡齋前
新含野露氣稍靜高牕眠雖為賞心過豈有崑中緣

桐

同詠庭中桐

吳均

龍門有奇價自言梧桐枝華暉實掩映細葉能披離不
降周王子空將歲月移

初學記作空
侍歲時移

巖風忽交勁遂使

無人知

零落桐

虞世基

零落三秋幹，摧殘百尺柯。
空餘半心在，生意漸無多。

詠桐

陸季覽

搖落依空井，生死尚餘心。
不辭先入爨，惟恨少知音。

桐

李嶠

孤秀嶧陽岑，亭亭單題詩
作萋萋出衆林。
春花雜鳳影，秋月美

珪陰。忽被夜風激，遂逢霜雪侵。
單題詩作高映龍
門迥雙依玉井深不因

將入爨，誰為作鳴琴。

段宥廳孤桐

王昌齡

鳳凰所宿處月影孤桐寒
槁葉零落盡空柯蒼翠殘
虛心誰能見直影非無端
響發調恒苦清商勞一彈

梧桐

戴叔倫

亭亭南軒外貞幹脩且直
廣葉結青陰繁花連素色
天資韶雅性不愧知音識

孤桐

雍陶

踈桐餘一幹風雨日蕭條
歲晚琴材老天寒桂葉凋已

悲根半死復恐尾全焦幸在龍門下知音肯寂寥

蜀桐

李商隱

玉壘高梧拂玉繩上含霏霧下含冰枉教紫鳳無棲處

斷作秋琴彈壞雜錄陵

作廣

槐

李嶠

暮律移寒火春宮長舊栽葉生馳道側花落鳳庭隈烈
士懷忠觸鴻儒訪業來何當赤墀下踈幹擬三台

庭槐

白居易

南方饒竹樹惟有青槐稀十種七八死縱活亦支離何
此郡庭下一株獨華滋蒙蒙碧烟葉嫋嫋黃花枝我家
渭水上此樹蔭前墀忽向天涯見憶在故園時人生有
情感遇物牽所思樹木猶復爾况見舊親知

文苑英華卷三百二十四

欽定四庫全書

文苑英華卷三百二十五 宋 李昉等 編

花木五

竹五十二首 笋二首

竹 梁元帝

嶰谷管新抽淇園節復脩作龍還葛水為馬向并州柯
亭臨絕澗桃枝夾細流冠學芙蓉勢類作樣花堪威鳳遊

印王若有獻張騫應拜侯

竹

劉孝先

竹生荒野外捎雲起

類集作筆

百尋無人重

類集作賞

高節徒自

抱貞心恥染湘妃淚羞入上宮琴誰能制長笛當為作

類集作吐龍吟

竹

蕭放

懷風枝轉弱防露影逾濃既來丹穴鳳還作葛陂龍

侍宴賦得夾池竹詩

陰鏗

夾池一叢竹青翠不驚寒葉醞宜城酒皮裁

類詩作治

薛縣

冠湘川染別淚衡嶺拂仙壇欲見歲粧色

類集作
凌冬質

當來

兔苑看

賦得山中翠竹

張正見

脩竹映巖隈

類詩
作垂

乘風異夾池複澗藏高節重林隱勁

枝雲生龍未上花落鳳將移莫言棲嶰谷伶倫不復吹

賦得夾池竹

賀修

綠竹影參差嬈娟帶曲池逢秋葉不落經寒色詎移來
風韻晚遲集鳳動春枝所欣高節

類聚
作端

客來待伶倫吹

賦得臨池竹

虞世南

葱翠捎雲質，垂彩映清池。
波泛含風影，流搖防露枝。
龍鱗漾嶰谷，鳳翅拂漣漪。
欲識凌冬性，唯有歲寒知。

竹

李嶠

高幹楚江濱，蕭條含翠氛。

集作娟娟
含暑氛

白花搖鳳影，青節

動龍紋。葉拂

集作
掃

東南日，枝捎西北雲。
誰知湘水上，流

淚獨思君。

奉和徐侍郎中書叢篠

蔣

煥

一作
盧象

中禁夕沉沉幽篁別作林色連鷄樹近影落鳳池深為
重凌霜節能虛爽一作應物心年年承雨露長對紫庭陰

此詩二百四十二卷重出今已削去

沈十四拾遺新竹生讀經處同諸公作

王維

閒居日清靜修竹復集作自檀欒嫩節留餘籜新叢出舊
欄細枝風響亂踈影月光寒樂府裁龍笛漁家伐釣
竿何如道門裏青翠拂山壇

慈姥竹

李白

野竹鑽

集作鑽

石生含烟映江嶺翠色落波深虛聲帶寒

早龍吟曾未聽鳳曲吹應好不學蒲柳凋貞心常自保

同郭叅謀題崔令公廳前竹

劉長卿

不學媚清澗能依上將壇蒙龍低冕過青翠捲簾看得
地移根遠經霜抱節難聞花成鳳實嫩筍長魚竿蕭蕭
軍容靜蕭蕭郡宇寬細音和角暮踈影上門寒阮巷何
人在梁園幾樹殘空餘軒屏側歲晚伴任安

晚春歸山居題窗前竹

劉長卿

溪上殘春黃鳥稀
辛夷花盡杏花飛
始憐幽竹山窗下
不改清陰待我歸

寒竹

釋皎然

裊裊孤生竹
獨立山中雪
蒼翠搖勁風
嬋娟帶寒月
狂花不相似
還共凌冬發

竹

張南史

竹竹被山連
谷出東南殊
草木葉細枝
勁霜停露宿
宿成

林處處雲抽笋年年玉天風乍起爭韵池水相涵更綠
却尋庾信小園中間對數竿心自足

竹

戴叔倫

卷籜正離披新枝復蒙密脩脩月下聞裊裊林際出豈
獨對芳菲終年色如一

竹

朱放

青林

一作竹

何森然沉沉獨曙前出墻同浙瀝開戶滿嬋

娟籜卷初呈粉苔侵亂上錢踈中思水過深處若山連

疊夜常栖霞

疑作
鶯

清朝乍有蟬砌陰迎緩策簷翠對歌

眠迸筍雙分箭繁梢一向偏月過驚散雪風動極聞泉
幽谷添詩譜高人欲製篇蕭蕭意何限不獨住湘川

池上竹

楊巨源

一叢蟬娟色四面清冷波氣潤晚烟重光閒秋露多翠
筠入疎柳清影拂圓荷歲晏瑯玕實心期有鳳過

和令狐舍人酬峰上人題山欄孤竹

前人

滿院冰姿粉籜殘一莖青翠近簾端
離叢自欲親香火抱節何妨共歲寒
能讓繁聲任真籟解將孤影對芳蘭
范雲許訪西林寺枝葉須和彩鳳看

庭竹

劉禹錫

露滌鉛粉節風搖青玉枝
依依似君子無地不相宜

郡齋左偏栽竹百餘竿
炎涼已周青翠不改而

為墻垣所蔽有乖愛賞假

一作暇

日命去齋居

之東墻由是俯臨軒階低映帷戶
日夕相對

頗有脩然之趣

令狐楚

齋居栽竹北窗邊素壁新開映

一作見

碧鮮青藹近當行

藥處綠陰深到卧帷前風驚曉葉如聞雨月過春枝似帶烟老子憶山心暫緩退公閒坐對嬋娟

和宣武令狐相公郡齋對新竹

劉禹錫

新竹脩脩韻曉風隔窗依砌尚朦朧數間素壁初開後一片清光入座中欹枕閒看知自適含毫朗詠與誰同

此君若欲長相見政事堂東有舊叢

和汴州令狐相公新於郡內栽竹百竿拆壁開

軒旦夕對翫偶題七言五韻 白居易

梁園脩竹舊傳名園

集作久

廢年深已

集作竹

不生千畝荒

涼栽

集作律

未得百竿青翠種新成牆開乍見重添興窗

靜時聞別有情烟葉蒙籠侵夜色風枝蕭索

集作颺

欲秋

聲更登樓望尤堪重千萬人家無一莖

汴州人家並無竹

題盧秘書夏日新栽竹

前人

湘竹初封植盧生此考槃久持霜節苦新託露根難等

度雖當戶

集作須
常切

踈稠要湍攔買憐分薄俸裁稱作閒

官葉剪藍羅碎莖抽玉瑄端幾聲清浙澗一族綠檀欒

未夜青嵐入先秋白露溥

集作
溥

拂樓

集作
眉

搖翡翠熨手

弄琅玕韻透

集作
透

窗風起陰鋪砌月殘炎天聞覺冷窄

地見疑寬梢動勝搖扇枝低好挂冠碧籠烟幕幕珠灑

雨珊珊曉籜晴雲展陰牙蟄虺蟠愛從抽馬策惜未截

魚竿松韻徒頻

集作
頻

聽桃夭不足觀梁慚當家杏臺陋

本司蘭

古詩云盧家蘭室香為梁又秘書府即蘭室

撐撥詩人興勾牽酒客

歡靜連蘆簟滑涼拂葛衣單豈止銷時暑應能保歲寒

莫同凡草木一種夏中看

和東川李相公慈竹十二韻 元稹

慈竹不外長密比青瑤華茅攢有森束玉立無蹉跎
纖粉妍膩質細瓊交翠柯亭亭霄漢近靄靄雨露多
冰碧寒夜聳簫韶風晝羅烟涵朧朧影月泛鱗鱗
波鷺鳳一以顧鶯雀水不過幽姿媚庭實顯氣陵

某作爽

天涯峻節

高轉露貞筠寒更佳託身仙壇上靈物神所呵

集作時何

與天籟合

音問

日聞陽春歌應憐孤生者摧折成沉

集作病又

作疴

郵竹

庭有蕭蕭竹門有田田騎囂靜本殊途因依偶同寄亭

亭下千雲裊裊亦垂地人無

集作有

異我心我無異人意

南庭竹

李紳

東南舊美陵霜操五月凝陰入座寒煙惹翠梢含玉露

粉開春籜聳琅玕莫令戲馬童兒見試引為龍道士看
須信結根香實在鳳皇終擬下雲端

題鄭常侍廳前竹

賈島

綠竹臨詩酒嬋娟思不窮亂枝低積雪繁葉亞寒風蕭
颯疑泉過縈迴有逕通侵庭根出土隔壁笋成叢踈影
紗窗外清音寶瑟中卷簾終日看欹枕幾秋同萬頃歌
王子千竿伴阮公露光憐片片雨潤愛濛濛嶰谷蠻湖
北湘川瀟水東何如軒檻側蒼翠裏長空

隣人自金仙觀移竹

李遠

新居移竹已堪看，斲破莓苔得幾年。
圓節不教傷玉粉，低枝猶礙拂霜壇。
墻頭引動如烟綠，枕上風來送夜寒。
第一莫教漁父問，且從蕭颯滿朱欄。

昊天觀新栽竹

劉得仁

清風枝葉上山鳥，已栖來根別古溝。
岸影生秋觀，苔遍思諸草木唯此出。
塵埃恨為移君晚，空庭更擬栽。

酬人雨後翫竹

薛濤

南天春雨時那鑒雪霜姿衆類亦云茂虛心寧自持多
留晉賢醉早伴舜妃悲歲後君能賞蒼蒼勁節奇

題諸塘館竹

集作秋日白沙館對竹

許渾

蕭蕭陵雪霜濃翠異三湘踈影月移壁寒聲風滿堂卷
簾秋更早高枕夜偏長忽憶南遊集作溪路萬竿今正涼

題新竹

方干

青苔斲破植貞堅細碧竿排鬱眼鮮小鳳皇聲吹嫩葉
短蛟龍尾裊輕烟節環膩色端勻粉根拔秋光暗長鞭

怪得入門肌骨冷，綴風粘月滿庭前。

越州使院竹

前人

莫見凌風飄粉籜，須知礙石作盤根。
細看節集作枝上蟬

吟處猶是筍時蟲，蝕痕月送綠陰斜。
上砌露含集作凝寒

色濕遮門列仙終，日逍遙地鳥雀潛來不敢喧。

碧鮮亭春題竹

薛能

竹少竹更重，碧鮮一作猶更名有欄常。
凭立無逕獨穿

行夕月陰何亂春，風葉盡輕已聞圖畫客。
兼寫薛先生

竹逕

前人

盤逕入依依，旋驚幽鳥飛。
尋多苔色古，踏碎箨聲微。
鞭節橫坊戶，枝梢一作苗動拂衣。
前溪聞到處，應接釣魚磯。

新竹

前人

柳營茆土倦粗材，因向山家乞翠栽。
清露便從終夜滴，好風疑自一作是故園來。
欄邊匠去朱猶濕，培後蟲浮穴暗開。
他日會應威鳳至，莫辭公府受塵埃。

竹

鄭谷

宜煙宜雪

其作雨

又宜風拂水藏村復間松移得蕭騷從

遠寺洗來踈淨見前峰幽堦蘚坼春芽迸繞徑莎微夏
蔭濃無賴杏花多意緒數枝穿翠好相容

題僧院紫竹

陳陶

喜遊蛟井寺復見炎州竹杳靄萬丈間嘯風清獨速江
南正霜散吐秀弄顛頊似瑞鷲堅貞如魔試金粟笋非
孝子泣文異湘靈哭金碧誰與隣蕭森自成簇新聞赤
帝種子落毛人谷遠祖賜鷓鴣遺芳遍南陸對烟蘇麻

醜夾澗篔簹伏美譽動丹青瓌姿艷秦蜀因緣鹿苑識
想像虵丘斲幾葉別黃毛何年依白足龍樹蟄一花砌
瑤掃雲屋色靜曼仙花名高給孤獨青葱太子樹灑落
觀音目法雨每沾濡玉臺時照燭離居鸞節變任冷金
顏縮一作念葛陂榮幸無祖父一作辱光搖水精串影送
蓮花軸江霧日相尋野鷄時寄宿幽香入茶竈靜翠直
碁局肯羨垣上蒿自多離下菊從來道生一况伴龜藏
六棲託詎星廻檀欒已雲直霞杯傳縹葉羽管吹紫玉

久絕釣竿歌
聊栽竹枝曲
愧生黃金地
千秋為師綠

竹五首

前人

不厭東溪碧玉君
天壇雙鳳有時聞
一峰曉似朝仙處
青節森森倚絳雲

二

萬枝朝露學瀟湘
杳靄孤亭白石涼
誰道垂龍不行雨
春雷入地馬鞭狂

三

嘯入新篁一里行萬竿如甕鎖龍泓驚巢翡翠無尋處
閒倚雲根刻姓名

四

青嵐帶疑亞思吾祖綠潤偏多憶蔡邕長聽南園風雨
夜恐生鱗甲盡為龍

五

迸玉閒抽上釣磯翠苗番次脫霞衣山童泥乞青驄馬

騎過青

一作春

泉掣手飛

竹

韓 溉

綠色連雲萬葉開

王孫類詩作王家

不厭滿庭栽凌霜盡節

無人見終日虛心待鳳來誰許風流添興詠自憐瀟灑

出塵埃朱門處處多間地正好移陰覆

類詩作結

翠苔

竹

羅 鄴

翠葉纔分細細枝清陰猶未上堦墀蕙蘭雖許相依日

桃李還應笑後時抱節不為霜霰

類詩作雪

改成林終與鳳

凰期渭濱若更徵賢相好作漁竿繫釣絲

竹

崔涯

領得溪風不放迴，傍窗緣砌遍庭栽。
須招野客為隣住，看引山禽入郭來。
幽院獨驚秋氣早，小門深向綠陰開。
誰憐翠色兼寒影，靜落茶甌與酒杯。

新栽竹

杜荀鶴

斲破莓

集作苔

地

一作色

因栽十數莖，窗風從此冷。
詩思

當時清酒入杯中，影碁添局上聲。
不同桃與李，蕭洒伴

書生

新竹

張蠩

新鞭暗入庭初長兩三莖

集作一莖

不是他山少無如此

地生垂梢叢上出柔葉籜間成何用高唐峽風枝掃月
明

竹

羅隱

籬外清陰接藥欄曉風交戛碧琅玕子猷沒後知音少
粉節霜筠漫歲寒

江南竹

許晝

江南瀟灑地本自與君宜固節還同我虛心欲待誰澗
泉傍借響山木共含滋粉膩蟲難篆叢踈鳥易窺盡應
逢野渡中忽見村祠葉掃秋空靜根橫古壑危影迷寒
靄裏聲出夜風時客棹深深過人家遠遠移遊邊曾結
念到此數題詩莫恨成龍晚成龍會有期

竹

秦韜玉

削玉森森幽思深

一作清

阮家高興尚分明卷簾陰薄漏

山色歌枕韻寒宜雨聲

宜類詩作疑

斜對酒缸偏覺好靜籠

碁局最多情

類詩作
舒情

却驚九陌輪蹄外
獨有溪烟數十

莖

笋

籬笋

李 頎

東園長新笋映石復穿籬
近出依青嶂攢生伴綠池
密

一作
色

因林向背行
逐地高卑但恐春將老
青青獨爾為

笋

白居易

此州有

集作
乃

竹鄉春笋滿山谷
山翁

集作
夫

折盈把

集作
把

將來入

集作抱
求早

市鬻物以多為賤雙錢易一束將歸安

集作置
之炊

甌中與飯同時熟斑殼拆

集作柴
擇拆

故錦素肌擘

新玉只此一蔬食

集作每日
遂加食

經旬

集作時

不思肉久為京

洛客此味常無

集作不

足速

集作且

食勿踟躕南風吹作竹

文苑英華卷三百二十五